

ENDIKTU' LAPTOP APAN...

Siamsinpawlpi General Headquarters apan itna cibai!

I Pawlpi deihtohotak in Toupa ompihna toh masawn zeel a, vaipua kikbeekual nung kha 3 khong paipan mahleh sepsuah genkhiak theih ding tamlou omta hi.

*Hiaibang nnasepsate leh sepding a guankholhsate Pawlpi makaite kia hilouin, i nam sung a tunung a Paite mite leh Zomi nampi maban ding geeltheite'n leng hon theihpih uh deihna toh hiai **SIAMSINTHAIKAWI** thuzaakna hong kibawlkhia hi. I Paite nam sung a pawlpi tuamtuamte kithuzaaktuah a nna sepkhawm theih abihdan sintouh utna toh, nam khat ibih ngalleh sep-le-bawlte ah kal suan khop lunggullh tuntun kawm in hiai thukizaakna pen Siamsinpawlpi makaite kia hilou in, Paite nam min pu a pawlpi tuamtuamte (YPA, PTC, PLS) a headquarter-level vaipote leh Saptuam makaite kiangah hong kikhaakkhia hi.*

Muncib-mualcib a Paite siamsin (learners) omta a dinga i Pawlpi deihtohotak pen a lawmboih uh, a thaikawi uh ahong suah theih i tup leh lunggullh ahi gige; tua bang ahong hib theihna dinga lampi khat a mu in hiaibang thukizaakna, Siamsin Thaikawi hong kisuahkhia zong ahi hi.

*Siamsinpawlpi General Headquarters in nnasep khiak kizaaksak tuak aneih hunhun in **SIAMSINTHAIKAWI** suahkhiaik zeel kisawm hi. Tutung in **Zodawn Educational Tour 2012, Career Counselling Seminar, Lungdampilna, Siamsinpawlpi Residential School In Masawn Zeel** abihdan leh thupuak tuamtuamte hong kituangsak hi.*

*Suah patna abihthoh hicizodeuhleh cih simsim om tham ding in gintak huai hi. Tuabang a thukupnop, abihke'h thusuahnop neite'n **Endik Pawlte** email/mobile phone tungtawn in hon theisak di'n ko'n ngen uhi. Siamsinpawlpi Headquarter, Joint Headquarters, Block, Branch leh Unit a makaite'n leng na nnasepna leh panlakna tuamtuamte uh i thukizaakna a suahkhiaik ding in hon khak thei zeel ding in k'on ngen uhi. Tua banah, hiai Siamsin Thaikawi muthei di'a kilawm zenpi mukhalou na theihkhak a omleh hehpihtakin **Endik Pawlte** hon theisak pah ding in k'on ngen uhi.*

SIAMSINTHAIKAWI


SIAMSINPAWLPI GENERAL HEADQUARTERS NEWS BULLETIN

Report : ZODAWN EDUCATIONAL TOUR 2012

THUPIANNA

Kum 15 veel paita apat Zodawn a Government Siamsinna Inn te deihbanga etkailouh leh nelhsiah a om pen Siamsinpawlpi General Headquarters in ngaikhawk mahmah a, pan laak theihdan tuamtuam omta ana zongkhia in, sepsuah theihte seemsuah mengmeng hi.

Suangdoh khua a **Government High School** ah Pawl X tan sintheihna om a, school building (pucca) hohtak zong om hi. Himahleh ginataka vaipuk ahihlouh manin hiai Government' siamsinna inn nu-leh-pate'n a tate uh kai nangin muanglou uhi. Mission (EBC) school, **Kaikhoen Academy** a Pawl VIII tan kaisak a, aban Lamka lam a (khosak haksa pipi kawma) sutzopsak Suangdoh leh a kiim a khua a nu-le-pa tamzote deihteelna hi mawk hi!



Zodawn a siamsinna dinmun dopkaang theihna lampi omta etkhiakna nei di'n Siamsinpawlpi General Headquarters apan team thum – General Secretary Team, President Team leh Nu Kim Team – Bolero thum dim mitmet in **March 30, 2012** in Suangdoh lam zuan in kuantou ngeeingai uhi.

Zingsang dak 10:00 in General Secretary, Pu Paukenkhuip Guite' heu in team khat ration teng leh generator toh ana kuan masa uhi. Amaute a kuankhiak dek un President Pu Nu'n thuumna toh khakhia hi. General Secretary Teamte nitaklam dak 2:30 in Suangdoh khua tung ua, Suangdoh Hausate inn ah kinga uhi. Siamsinpawlpi Suangdoh Block makaite'n (President **Pu Chinkhen** leh Secretary **Pu Pauson**) ana kithuahpih pah in, maban a hunsehte a lepkholh leh sai masak ngaite feltak in ana sai fel pah uhi.

Hiaibang kaal ah President Team leh

Nu Kim Teamte zong Siamsinpawlpi Complex apan nitaklam dak 2 lak in **Pastor M. Ginzatun**, Local Pastor, EBCC Bungmual in thuumna lungkhoih huaitak toh khakhia hi. Hiai team nihte Singngat ah singpi dawn di'n khawl tawldam u'a, Suangdoh khua nitak dak 6:30 in tungzou uhi.

aban pek 2 na ah

A SUNG A THU OM TE

| | |
|-----------------------------------|--------------|
| Endiktu' Laptop Apan | 1 |
| President apan Thupuak | 2 |
| Zodawn Tour Report | 1 - 3 |
| Career Counselling | 3 |
| Residential School | 4 |
| Thu Tuamtuam | 4 |
| Lungdampilna | 4 |
| Magazine (Digital Archive) | 4 |
| Vaipo thakte thumsakna | 5 |
| Vaipo thakte | 5-6 |

PRESIDENT APAN THUPUAK

Siamsinpawlpí General Headquarters President (2012-2015) dinmun sangtak len ding a deihsak tak a hon telchingtute tengteng kiang ah kipathu ka gen a, telching a ka om apat tuni tan anuam-ahaksa a ka seppihte, deihsak tak a 'Advice hon petute, sum leh pai a I pawlpí huhtute, Pathian kiang a honna thumsak tute tengteng tung ah kipathu kagen masa hi.

I Pawlpí 13th January, 1947 in heutu mi tawmchik te'n ana phutkhia in ana pantou in, I namsung ah khantouhna leh masawna lam chi tuamtuam ah hon tut banah pawlpí lianpen leh upapen ahong hi hi. Tu'n i Pawlpí kum 65 chingta! Khantouhna lam chi tuamtuam ah Pathian' panpihna leh vualzawlina ziakin dinmun sang pipi'n i luahta uhi. Siamsinpawlpí'n a phaktawp pha nailou kalsuanna ding saupi petmah neilai ihihman in Siamsinpawlpí mite'n i luahkak neig louhna munte lua a, khovel-pumpi dapsuak ding in a thak a panla ding in kihanthawn tuah chiat ni.

Kum 2012-2013 sung a sep khiak ding in Annual Plan & Policy tam khop tak kiguang hi- Zodawn a solkal school i neih te tunding thak ding, SSPP kahiang mun tuamtuam a omten Common Activity dia Class X leh XII exam dingte a dinga Coaching leh written Quiz sai ding, i nam sunga organisation leh association tuamtuamte tawh ki thuzaktuah kawm a sepkhawm, geelkhawm leh ki-nungthuap tuah ding, SSPP Foundation Day zat ding leh hiai hun a SSPP GHQ in Award tuamtuam i neihte hawmkhiak ding. Hiai hunah a khatveina dingin Zodawn khutsiam silbawlte lahna leh zuakkhiakna Handicraft Fair leng neih ding, SSPP Constitution khektuak leh bawlthaktuak omte bawlthak ding, Pawlpí tup leh ngimte puanzak na dingin:(a) a poimoh hunhun a Bulletin suah zeel ding, (b) Annual Magazine (reference book/yearbook format a) bawlkhiak ding, (c) SSPP website, www.siamsinpawlpí.org.in hihhing thaka Magazine luite digital archive bawl ding. (d) Documentary film (Sapai/Sa hawmdan omzia) bawlkhiak ding chih leh adang dang. Hiai a tung a i gen te i vek ua i pan khawm kei uh leh vuaksuak thei ding ahihna ah i mi namte panpihna leh huhna kahon ngen ahi.

Pathian panpihna leh Department of Social, Culture, Publication & Media te panlakna leh kipiakzohna ziaak in SSPP Website banah Bulletin- Siamsin Thaikawi chih melmuh theih dia ahong om tak ziaak in kipahtu i gen ahi. I website leh Siamsin Thaikawi te a i activities te uh tak khiak/suahkhiak zel ahi ding a hiaite tungtawn in i sep i bawl kithuzak tuah theihna dia vanzat hoih tak ahong hih ka lam en hi. Department of HRD & Planning te panlakna in Career Counselling khat vei neih in om ta hi. Zodawn Siamsinna tunding na ding in Guite Kual a khua hunkhop tawtsuak hita. Nnasep taangpi tamzaw te Website le Bulletin Siamsin Thaikawi ah et theih ding hi.

Maban ah sep ding leh bawl ding tampi i nei- i pu-pa tawndan leh ngeina toh kituak a chihtakna, ginomna leh diktatnate tun ding thak a, i gam leh nam bawl hoih a, siamsinna lam tuamtuam puahphat, khantouhna ahi bangbang a tunsak a, vaihawmna dikzaw leh lamzangzaw a omsak theihna ding in siamsinte khut ah om ahi chih manggilh lou in thil ihihna peuhpeuh a gin om suah in chihtakna leh kuhkalna toh mailam sawn zel ni chiin ka hon chial thakthak ahi.

– Lianzapau Samte

ZODAWN EDUCATIONAL TOUR 2012 - sutzopna

"Tu nitak dak 7:30 in Siamsinpawlpí General Headquarters heutute toh Community Hall ah Government High School puah dingdan kikap khawmna om ding. Kuapeuh telchiat ding," chi in Khosung Tangkoupa'n hon puangzaakta hi.

Suangdoh Hausate' inn a ann nek zoh in Siamsinpawlpí Suangdoh Block President in amau Block dinmun putlaakna hon nei a, tua khit in mipi kikhophawmna mun ding lam manoh in kipai chiat hi.



Suangdoh Govt. High School building thak luahlouh a om

Suangdoh khomi kia hilouin khokiim apan zong mi tamkhop paikhawm in Suangdoh Community Hall dimleet zen in kikhopna hun nitak dak 7:30 in kipan hi. Hunseh patna thuumna **Upa K. Vungpau** in nei a, tua zoh in **Pu Chinkhen**, President, Siamsinpawlpí Suangdoh Block in vaidawn thugenna, Siamsinpawlpí General Headquarters-te paakkhi ohsakna leh Suangdoh Block nuai a unit tuamtuamte – Suangdoh Unit, Enpum Unit, Lungchin Unit, Ngajjang Unit, Suangdai Unit, Tuilaakjang Unit leh Chiangpi Unit – apan hong hohtheite putlaakna nei hi.

Tua khit in **Pu Lianzapau Samte**, President, Siamsinpawlpí General Headquarters in Zodawn Educational Tour 2012 in a tup leh Siamsinpawlpí in Zodawn a siamsinna toh kisai a pan lak asawm dante nouneel tak in hilhchetna nei hi. Ama'n Siamsinpawlpí in Suangdoh Government High School puahphat thak na di'a pan laak sawm ahihdan, leh Pawl X tan khosung a sintheih di'a siamsinna inn etkaithak ut ahihdan zong gen hi. Hiai Government High School tunding kik na dingin mipi hong paikhawmte tung ah kinga mahmah a, Siamsinpawlpí in pan laak ka sawm nate uah na kithuahpihna uh ka poimoh uhi, zong chih behlap lai hi.

Hausapa sik-le-taang in **anau Pu Paukhenkhuap Guite** in zong thugenna hun nei a, Suangdoh Government High School tunding nawn nading a bialtu MLA, MDC leh School Headmaster leng va mu khin ahihdan leh amaute'n zong kithuah ut uh ahihdan gen hi. Khosung a Government High School omsun pen puahpha ni in, nu-leh-pa ten na tate uh hong kaisak chiat un chi'n chialna bawl hi.

Pastor T. Thanggoulian, Local Pastor, EBCC Suangdoh in Siamsinpawlpí General Headquarters leh Suangdoh Block makaite thuumnakna hon nei a, tua zoh in ama'n hun saulou thu gen hi.

ZODAWN EDUCATIONAL TOUR 2012 - sutzopna

Hunseh zat ahihsung in kisuklimna lah hikawm in special number tuamtuam zong avangkim in om hi. **Pu Chinkhen** in "Hong Paal Sak Aw" chih la siamtak in hon awi a, huai sanga siamlouzo hetlou in **Pi Ngaibiaklun**, Finance Secretary, Siamsinpawlpi General Headquarters in "Hong It Zaw Ning, Toupa" chih la, sound track toh thua in hon awi liahlah nawn hi. Tuate banah, Siamsinpawlpi General Headquarters makaite zong kidekthei nawnlou in "Dialdial in Diamdiam Leng Lawm" chih lapawl in sa ziahziah uhi.

Suangdoh khosung apan mi tuamtuamte'n zong thugenna leh ngaihdan kupna hun zang uhi. **Pu T. Kamzalian**, Secretary, PTC Suangdoh Unit, **Pu S. Suanzamung**, President, YPA Suangdoh Unit, **Pu S. Gouzathang**, President, PTC Lungthul Block leh **Upa S. Vungzalang**, Finance Secretary, Tualsung Baptist Saptuam Upa Committee, EBCC Suangdoh te'n Suangdoh Government High School tunding kikna dinga thugeelte amuhdan uleh ngaihdan banah theihsiamlouh aneihte uh hon gen uhi. Tuate dawnna leh hilhchetna lah hikawm in Siamsinpawlpi General Headquarters lam apan in **Pu T. Lianchinpau**, Vice President (Internal), **Pu Jamsuanmung Valte**, Vice President (External) leh **Pi Demngaihkim**, Standing Committee member-te'n thugenna hun hon neitou uhi.

Kikhophkawmna hunseh nitak dak 10:30 a abei toh kitonin **Upa S. Vungzalang** in thuumna in hun khak hi.

Mipi kikhophkawmna zoh in General Headquarters, Block leh Unit heutate toh Hausate' inn ah tutkhwamna neih ahi. Pawlpi vai leh khosung vai tamtak genkhop khith ahi. Block heutu **Pu Chinkhen** in Block dinmun tamlou report hon bawl hi. President inleng Block heututen School toh kisai a ana hahpan seem dingin chialthak hi. Zan dak 11:30 in **Pi Demngaihkim** in thuumna in kipolhkhawmna hun hon khak hi. Tua zoh in

hunzatdan toh kisai leh maban a pan laak dingdan khawng kikumkhawm in hun sawttak kizang lai hi.

Zan tawldam zou in, March 31, 2012 zingsang dak 6:45 in gari thum in Lungchin khua va ki hohtou hi. Hausa **Pu Liankhanlal Guite** toh hun saulou kizang a, tua khith in Hausapa toh Lungchin JB School (partition 1 kia om!) leh Lungchin Convention English School (Nursery apan Pawl VI tan sintheih) va ki enkhia hi.

Zingkal dak 10:30 in Suangdoh kitungkiik nawn a, ann kine pah ngal hi. Tua khith in Suangdoh khosung a tui dinmun, siamsinna dinmun, khotang kivaipuakdan, khosung a kipolhlimna leh hunawl zatdante leh adangdang tampi kankhia leh suikhe dinga mohpuakna piak a omte'n amau mohpuakna chiat va semkhia u'a, tua kal in adangte'n Suangdoh a Assam Rifles heutate va kimuhpih uhi. Assam Rifles te leng ana ki thalawp mahmah ua, "**bangchi'n kon panpih thei ding ua**" chi'n honna leh dot uhi.

Nitaklam dak 1:30 in **Pu Thangkhanmuang**, Hausate' makpa in thuumna toh hon khahia a, innlam zuan in kipai kik nawnta hi.

Innlam manoh a pai kawm in lampi a totkhak kho thum (Pumlawng, G. Bualzang leh Chiangpi) ah Hausate' innte va kisik chiat a, tua khuate a siamsinna inn omkhaknate zong va ki-en hi.

Pasian ompihna toh nitak dak 6:47 in Siamsinpawlpi Complex, Lamka damtakin kitungkik nawn hi.

Hiai Zodawn zinna ding a gari (Bolero) thumte Pawlpi adi'a mi kiphalte (bialtu MLA **Pu Ginsuanhau**, bialtu MDC **Pu Suanchinpau** leh **Pu Paukenkhuap Guite**, General Secretary, Siamsinpawlpi General Headquarters) hon thoh ahi a, amaute tung ah Siamsinpawlpi General Headquarters kipak petmah a, nna hoih tamsem semzom thei zeel dingin Toupa'n amaute vualzawl ta hen ichi ahi!

CAREER COUNSELLING SEMINAR

Siamsinpawlpi Complex | April 28, 2012 | Lamka

Siamsinpawlpi General Headquarters saina nuai ah "**Career Counselling on How to Crack Combined Graduate Level Examination 2012**" chih thupi a nei a kisinsakna Siamsinpawlpi Complex ah neih in om hi. Hiai hun ah Pu **P. Langbiaklian**, Inspector, Custom & Centre Excise, North Eastern Region, Shillong in maban a **Combined Graduate Level (CGL) Examination 2012** pe di'a application fill-up sa siamsin 40te sinsakna nei hi.

Vuah zu ziahziah nuai ah Hunseh Pulaakna leh Vaidawn Thugenna hun **Pu Nengbiaklal**, Asst. Gen. Secy-cum-Secy, HRD & Plan., Siamsinpawlpi GHQ in nei a, tua zoh in **Pastor GK Siam**, PCI(R) Bungmual in Lai Siangthou sim in, thuumna toh hun pan hi.

Mipi in "Dialdial in diamdiam leng lawm" chih la kisakhawm a, tua zoh in Sinsaktu Pu **P. Langbiaklian** in ama hun hon la zom ngal hi.

Siamsinte'n i zohna tan di theih a, huai tan a sepna awng omte theihchet poimoh mahmah asak thu Sinsaktu'n gen. Ama'n hiai CGL Examination adia kisakhoh peuhmah competitive exam dang tamzote ah zong kisakhoh himai ahi chi hi.

CGL toh kisai a theihtuak tuamtuam – application form fill-up ding dan, examination paizia, OMR Sheet fill-up dingdan,

kisakholh dingdan, Scheduled Tribe-te a dia hamphatnate, khaloh leh hamphatna tuamtuamte – nouneel tak in Sinsaktu'n hilhchian hi. Ama'n hichibang competitive examination-te ah kisakholhna ding in midang exam dingte toh Study Group kibawltheile phatuam mahmah ding ahihdan zong gen hi.

Sinsaktu'n ama hun a zoh in **Pu V. Jamkhanmang**, Vice Chairman, Standing Committee-in Hasotna Thugenna nei a, "**Kisakhoh peuh lechin nang hun le hong tung mahmah na di ahi**", chi in siamsinte haanthawn hi. Kipathu Genna leh Hunkhakna **Pu T. Lianchinpau**, Vice President (Internal), Siamsinpawlpi General Headquarters in nei a, bil taitak in siamsin paikhawmte kikhen uhi.



SSPP RESIDENTIAL SCHOOL IN MASAWN ZEEL

Board of Secondary Education Manipur Order Date February 23, 2012 dungzui in i Residential School in leng 2012 – 2013 session apan **Recognition** muta hi. Tua ziakin i naupangte'n **kum nawn 2013 in Siamsinpawlpi Residential School min in Pawl X first batch exam** thei ta ding uhi.

Hostel leng tuni tan in lamzang tak in paitou zeel hi. SSPP Residential School kum 10 vaal mi mun-leh-mual kheel a i om nungun eimah mun-leh-mual ngei kineita a, tua munah kisuan ta hi. Hiai pen i School hon *sponsor* tu, **Ministry of Tribal Affairs** ngei in leeng hon pompihta hi.

Nisim February 9, 2012 in Siamsinpawlpi Residential School in naupang 560 toh *session* kipan a, tuni tan in periodic test 2vei kinei khinta hi.

Nisim March 2, 2012 in **Pi L.T. Puii**, SDO, Lamka in naupangte lak ah *free text book* hawmkhiakna hon neihsak a, nisim April 30, 2012 in **Pu C. Hangshing**, ED, DRDA in *free uniform* hon hawmkhiak sak hi.

Residential School Project 2012 – 2013 bawl na ding toh kisai khek ding leh behlap ding bang zah hiam om ahih manin, Ministry of Tribal Affairs a *officialte* houlimpih ding in nisim May 8, 2012 in **Pu Siamnunlian Valte**, Chairman, School Managing Committee, **Pu K. Khamminthang**, Secretary, School Managing Committee, **Pu Thangchinmoi**, Finance Secretary, School Managing Committee leh **Pu Lianzapau Samte**, President, Siamsinpawlpi General Headquarters-te Delhi a hoh May 12, 2012 in lohchingtak in hong tungkik uhi.

THU TUAMTUAM

Gangpimualkawi Branch in Career Guidance Seminar Nei

Nisim April 28, 2012 in Siamsinpawlpi Gangpimualkawi Branch in a vengsung ua siamsinte' maban ding khaalna in Gangpimualkawi PCI(R) Biakinn ah **One Day Students' Career Guidance Seminar** nei uhi. Hiai hun ah thupi tuamtuam zangin sinsaktu 4 in naupangte kiangah thuhilhna hun zang uh. Siamsinpawlpi General Headquarters in hiai bang hunseh hoihtak mai saitu Branch makaite phathuai leh ettonhuai sa mahmah a, kithuahpihna dan in Rs. 3000/- zong hiai hunseh a zat ding in pia hi.

Life Member Nameplate Hawmna

Nisim May 5, 2012 in Siamsinpawlpi General Headquarters in term lui a Life Member nameplate kibawlsa hawm khiak nailouh bangzah hiamte hawm khiakna nei. Tua hun ah Life Member kiphal taktakte'n Pawlpi huhna ana pe siausiau u'a, amaute tung ah lungdamna lian mahmah ahihmanin Siamsin Thaikawi tungtawn in kipahtu i gen hi.

Zehang Lamka Branch in Lohchinna Ngahte Kikhoppih

Nisim May 20, 2012 in Siamsinpawlpi Zehang Lamka Branch in a vengsung ua Pawl X & XII examna a lohchinna ngahte Zehang Lamka Hausapa' inntual ah kikhoppihna nei. Tua hun ah Siamsinpawlpi General Headquarters makaite zong uap dinga chialna muh ahih bangin va hoh u'a, siamsin naupang leh nu-le-pa paikhawmte lak ah hasotna thugenna hun va zang uh.

LUNG DAMPIHNA

Indian Forest Service ngahthak

Siamsinpawlpi Life Member **Pu T. Semjakam'** tanu **Pi Lhinghoikim Touthang** in tutung a Union Public Service Commission saina a Indian Forest Service officer 85 lakna ding ah telkha hi.

Civil Service Exam ah lohching

Tutung a Union Public Service Commission in Civil Service Exam a saina ah candidate 910 in lohchinna ngah a, tuate lak ah Siamsinpawlpi mi **Pu Pauzakham Ngaihte** (apa **Upa S. Khamhenthang Ngaihte**) zong telkha hi. Amah 903na in pangzou hi.

Indian Institute of Management-te ah MBA zouthak

Tukum in Siamsinpawlpi mi 3 tak in Indian Institute of Management-te apan MBA hon zou khia uhi:

1. **Pi Ngaimuankim @ Tete**, apasal **Pu Siamminthang Kullai** (Tete ahihle Siamsinpawlpi Life Member **Upa LT Juan Tonsing'** tanu ahi) in Indian Institute of Management Indore apan MBA zouthak.

2. **Pu Ginvanglian Tombing**, apa **Pastor T. Lalzagin** in Indian Institute of Management Bangalore apan MBA zoukhia.

3. **Pu Justin Thonzakhp**, apa **Rev. N. Phungzapao** in Indian Institute of Management Bangalore apan MBA zoukhia.

Amaute'n MBA a zoh ma un sepna mun hoih taktak ah mu ngal ua, tulel in sem pan ta uhi.

Hiaite banah Siamsinpawlpi mi sepna muthakte leh siamsinna lam tuamtuam a lohchinna ngahte Siamsinpawlpi General Headquarters in lungdampihna i Siamsin Thaikawi tungtawn in i puang hi. **SIN IN, SEM IN, ZUUN IN.**

ANNUAL MAGAZINE LUTE KHOLKAWMNA

Tu 2012 – 2013 term sung a sepsuah di'a Department of Social Culture, Publication & Media in a guanluutte lak a khat – Siamsinpawl Annual Magazine-te kholkhawmna (*Digital Archive*) bawl a, a en nuamte a dinga ettheih gige di'a internet a koih di, chih ahi.

Hiai geelkholhna sepsuah theih na ding in magazine luite kikaikhawm a, tulel in hiai anuai a issue kipete kinei pan hi:

| Siamsinpawl Annual Magazine | Suah Kum |
|-----------------------------|----------|
| Volume 33 | 1996 |
| Volume 34 | 1997 |
| Volume 35 | 1998 |
| Volume 36 & 37 | 2001 |
| Volume 38 & 39 | 2003 |
| Volume 40 | 2004 |
| Volume 41 | 2005 |
| Volume 42 | 2006 |
| Volume 43 | 2007 |
| Volume 44 | 2008 |
| Volume 45 & 46 | 2010 |

Hiai atung a issue kipete chihlouh issue dangte a neikha a, hiai geelkholhna sepsuahna ding a hon kheel sak ut na om uleh hiai number ah hon theisak un: 9856594159 (**Pa Lian**, Siamsinpawlpi Complex, Siloam Veng, Bungmual)

VAIPO THAKTE KICHIAMSAKNA LEH THUMSAKNA

Siamsinpawlp Complex | March 04, 2012 | Lamka

Nipini nitaklam dak 3:00 in Siamsinpawlp Complex ah Siamsinpawlp General Headquarters 2012 – 2015 term sung vaipo dingte kichiamsakna leh thuumsakna hun zat in om hi.

Tua hun a Siamsinpawlp General Headquarters a President di'a teel thak liklek **Pu Lianzapau Samte** in makai thak dingte kichiamsakna hun nei a, **Rev. L. Kham Kho Lun**, General Secretary, Evangelical Baptist Convention in amaute adi'a thuumsakna leh hasotna thugenna hun zang hi. Heutupa in a thugen na ah, i minam sung a pawlp omte pankhawm theih tham ahildan gen a, Toupa pen amasapen in koih gige peuhle lamzang ding ihi, chi hi.

Hiai hunseh poimohtak ah **Pu Chin Ngaih Pau**, President, Young Paite Association General Headquarters leh Siamsinpawlp Standing Committee apat **Pu M. Zamchinthang**, Chairman, **Pu H. Liankhankhual**, Secretary leh **Pi Demngaihkim**, Member – amaute'n zong thugenna saulou nei chiat uhi. President, Paite Tribe Council General Headquarters zong hun piak himahleh hong hoh theilou hi.

SUUNPIHNA: Apaita nisim May 11, 2012 in Nu Chiinkhovung (a pasal Pu Dr. G. Chinkholian, SSPP Life Member leh a tapa Pu Paukenkhup Guite, General Secretary, SSPP GHQ) in hon mualliam san na tung ah Siamsinpawlp GHQ in lusuunte suunpihna leh thuakpih thu Siamsin Thaikawi tungtawn in i puang hi.

SIAM SINTHAIKAWI IMPHAL BLOCK 2011-13 VAIPOTE

| | | |
|-------------------------------|---|-------------------------------|
| President | : | V. Ginkhenpau, Paite Veng |
| Vice President | : | Nangsonmuan, Lamphel |
| Secretary | : | H. Ginbiakmang, Paite Veng |
| Asst. Secretary | : | Ginneihlal, Langol |
| Finance Secretary | : | D. Paulson, Games Village |
| Treasurer | : | Vungngaihdim, Tribal Colony |
| PRO/ZFS Representative | : | B. Thangkhangmung, Paite Veng |

DEPARTMENTAL SECRETARIES

EDUCATION

| | | |
|------------------|---|--|
| Secretary | : | Dousuanthang, Lamphel |
| Members | : | Thangbiakching, Lamphel Vungbiakmawi, Games Village |

MUSIC, SOCIAL, ARTS & CULTURE

| | | |
|------------------|---|--|
| Secretary | : | Donglianmang, Lamphel |
| Members | : | Kim Rose Lamphel Goungaihlian, Lamphel Pambiakching, Tribal Colony |

PRO/INFORMATION & PUBLICITY

| | | |
|------------------|---|------------------------------|
| Secretary | : | B. Thangkhanmung, Paite Veng |
| Member | : | Khamliankhup, Lamphel |

GAMES & SPORTS

| | | |
|------------------------|---|---|
| Secretary | : | P. Nangsuanlun, Games Village |
| Asst. Secretary | : | Khamkhansuan, Lamphel |
| Members | : | T. Zamsonmuan, Games Village Lamkhanlun, Tribal Colony |

USHER & VOLUNTEER

| | | |
|---------------------------|---|--------------------------------|
| Commander-in-Chief | : | L. Piangsanglun, Games Village |
| Member | : | V. Thangkhangsiam, Langol |

ADVISERS

Pu M Zamchinthang, Pi Nemzarual, Pu V. Lianzathang, Pu Khatkhanchin, Pu R. Sanga, Pu N. Ginlian, Pu P. Songlianlal, Pu T. Kaizasang, Pu B. Gou Lian Mang, Pu V. Varkung

EX-OFFICIO

Dr. Liangoumuan Samte, K. Lianthanghlun, Lamphel

SIAM SINTHAIKAWI THANLON BLOCK 2011-13 VAIPOTE

| | | |
|------------------------------------|---|------------------------|
| President | : | N. Charles Haulian |
| Vice President | : | K. Joyful, Thanlon |
| Secretary | : | L. Thangmang, Bukpi |
| Asst. Secretary | : | N. Thuamkhanlun, Bukpi |
| Finance Secretary | : | G. Gindong, Palkhuang |
| Treasurer | : | Sonching, Bukpi |
| Information Secretary (PRO) | : | N. Khamnuailian |

DEPARTMENTAL SECRETARIES

EDUCATION

| | | |
|------------------------|---|------------------------|
| Secretary | : | Thangkhanmuan, Thanlon |
| Asst. Secretary | : | Khammuanniang, Bukpi |
| Asst. Secretary | : | Ginlianthang, Hanship |

GAMES & SPORTS

| | | |
|------------------------|---|-------------------------|
| Secretary | : | Jamkhanmung, Palkhuang |
| Asst. Secretary | : | Khamzathang, Bukpi |
| Asst. Secretary | : | Thangminlian, Bungpilon |

ARTS & CRAFTS

| | | |
|------------------------|---|----------------------|
| Secretary | : | Kamkhanthang, Bukpi |
| Asst. Secretary | : | Vumzamuan, Mualpheng |
| Asst. Secretary | : | Hauzakham, Mualpheng |

INFORMATION & BROADCASTING

| | | |
|------------------------|---|--------------------|
| Secretary | : | Songkhangin, Bukpi |
| Asst. Secretary | : | Chinzamuan, Bukpi |
| Asst. Secretary | : | Vumzakap, Hanship |

DEBATE & EXTENSION (CONTEST)

| | | |
|------------------------|---|-------------------------|
| Secretary | : | N. Thangkhookhai, Bukpi |
| Asst. Secretary | : | Chinson, Thanlon |
| Asst. Secretary | : | Chingmani, Mualpheng |

MUSICAL DEPARTMENT

| | | |
|------------------------|---|-------------------------|
| Secretary | : | Douzamang, Bukpi |
| Asst. Secretary | : | Thianhoih, Palkhuang, |
| Asst. Secretary | : | K. Lalmuan, Bukpi, |
| Asst. Secretary | : | Jamkhanching, Palkhuang |
| Asst. Secretary | : | Ngaihnuou, Bukpi |

SIAMSINPAWLPI GENERAL HEADQUARTERS VAIPOTE

EXECUTIVE COMMITTEE (2012 – 2015)

| | | |
|---|---|------------------------|
| President | : | Pu Lianzapau Samte |
| Vice President (Internal) | : | Pu T. Lianchinpau |
| Vice President (External) | : | Pu Jamsuanmung Valte |
| General Secretary | : | Pu Paukhenkhup Guite |
| Asst. General Secretary (-cum-Secy. HRD & P) | : | Pu Nengbiaklall |
| Asst. General Secretary (-cum- Secy. SC, Pub. & M) | : | Pu Nangmuansang Lethil |
| Finance Secretary | : | Pi Ngaibiaklun |
| Asst Finance Secretary | : | Pi Vungngaihlu |

Human Resource Development & Planning Department (Joint Secretaries)

Pu Hauchinthang, Pu Thangmuanlal Thomte, Pu V. Thangsuanlal, Pi Mangaihvu, Pi Zoar Niangsangkim

Social Culture, Publication & Media Department (Joint Secretaries)

Pu G. Gouthiansiam, Pu S. Langkhanthang, Pu Kamsuanmung Guite, Pi Mansiam, Pi Niangbiakhoih

ZSF GHQ Representatives : Pu V. Thangsuanlal leh Pu Jamsuanmung Valte

CDSU Representatives : Pu Thangkhanlun Samte leh Pu Kamsuanmung Guite

SIAMSINPAWLPI RESIDENTIAL SCHOOL MANAGEMENT COMMITTEE (2012 – 2014)

| | | |
|--------------------------|---|---|
| Chairman | : | Pu Siamnunlian Valte |
| Secretary | : | Pu K. Khamminthang |
| Finance Secretary | : | Pu D. Thangchinmawi |
| Members | : | Pu Dr. V.C. Pau Tonsing, Pu T. Hanglamthang, Pu S. Kaikhanthang, Pu T. Chinsuanthang, Pi Rachel Ngailunmawi, Pu S. Khaikhopau Ngaihte |
| Ex-Officio Member | : | President leh General Secretary, Siamsinpawlpi General Headquarters |

SIAMSINPAWLPI FOUNDATION TRUST – BOARD OF GOVERNORS (2012 – 2015)

| | | |
|----------------------------|---|---|
| Chairman | : | Pu Dr. V. C. Pau Tonsing |
| Vice Chairman | : | Pu N. Thangkhomang |
| Secretary | : | Pu Dr. Lalzagou |
| Assistant Secretary | : | Pu Pauzagin Tonsing |
| Finance Secretary | : | Pu V. Englian |
| Treasurer | : | Pu Dr. Chhawnvung |
| Member | : | Pu Siamnunlian Valte, Pu Langkhanpau Guite, Pu L.T. Juan Tonsing, Pu John K Ngaihte, Pu R. Sanga, Rev. Lian C Tombing, Pu M. Gouzamang Guite, Pi Demngaihkim, Pu Ricky L Guite, Pu Lalthanghlun Guite, Pu H. Mangchinkhup |
| Ex-Officio Member | : | President, Siamsinpawlpi General Headquarters |

* **THEIHTUAK** : Headquarter, Joint Headquarter, Branch, Block te apan Siamsinpawlpi General Headquarters in official taka a thutut a ngahte kia hiai Siamsin Thaikawi ah kisuah hi.

SIAMSINTHAIKAWI

| | | |
|--------------------------|---|-------------------------------------|
| Endiktu | : | Nangmuansang Lethil |
| Endik Huhtu | : | Mansiam leh Gouthiansiam |
| Hawmkhetu | : | Niangbiakhoih leh Kamsuanmung Guite |
| Alim-ameel Geeltu | : | S. Langkhanthang |

| | |
|----------------|---------------------------|
| Website | www.siamsinpawlpi.org.in |
| Email | info@siamsinpawlpi.org.in |